



JAVNI POZIV ZA SUFINANSIRANJE PREKVALIFIKACIJA, DOKVALIFIKACIJA I USAVRŠAVANJA



Projekat "Socio-ekonomska inkluzija u Brčko distriktu BiH" (SEI) finansira Vlada Republike Češke, a implementiraju CARE International Balkans i Razvojno-garantni fond Brčko distrikta BiH (RGFBD).



O SEI projektu:

Projekat Socio-ekonomska inkluzivna inicijativa (SEI) ima za cilj da odgovori na izazove koji su vezani za povoljnije okruženja za socio-ekonomsko uključivanje marginalizovanih grupa¹, i to kroz stvaranje mogućnosti za zapošljavanje, preduzetništvo za nezaposlene i povećanjem nivoa vještina koje odgovaraju postojećim mogućnostima zapošljavanja. CARE i partneri će blisko saradivati sa institucionalnim zainteresovanim stranama i nevladinim akterima na predlaganju i implementaciji mjera koje će se baviti pitanjima i preprekama za socio-ekonomsku inkluziju, kroz uspostavljanje Centra za socio-ekonomsku inkluziju. Cilj je stvoriti nova radna mjesta uz povezivanje svih aktera u lancu vrijednosti kroz savjetodavne i finansijsku podršku startup-ima početnicima, postojećim preduzećima i nezaposlenim marginaliziranim osobama.

Inicijalna procjena o socio-ekonomskoj situaciji u Brčko distriktu je prikupljena analizom dostupne dokumentacije i izvještaja međunarodnih međuvladinih agencija, domaćih institucija i statističkih agencija, te intervju sa partnerima i organizacijama koje predstavljaju ili rade sa marginalizovanim grupama u Brčko distriktu. Prema inicijalnim procjenama, marginalizovane grupe stanovništva i pojedinci koji se suočavaju sa ranjivostima zbog svog pola, rase, seksualne orijentacije, fizičkih sposobnosti i socijalnog statusa su u većoj opasnosti da zapadnu u siromaštvo zbog predrasuda i društvenih normi u društvu, kao i nedostatka senzibiliteta i fizičkog, administrativnog i socijalnog statusa. Naprimjer, Romi, se susreću sa brojnim izazovima za socijalno uključivanje. Prema podacima romskih nevladinih organizacija, otprilike 1,35% romske populacije je zaposleno. Druga grupa stanovništva koja se suočava ne samo sa društvenim izazovima, već i sa fizičkim preprekama kada je u pitanju njihova socijalna uključenost i zapošljavanje su osobe sa invaliditetom (OSI) koji su također ciljna grupa projekta. Nadalje, žene, posebno one koje dolaze iz marginalizovanih grupa, su u nepovoljnom položaju u pogledu zapošljavanja i zadnje informacije govore da je preko 60% nezaposlenih žene. Projekat će posebnu pažnju posvetiti i mladima zbog sve većeg trenda emigracije.

Osnovni postavljene rezultati projekta su:

- **Rezultat 1** – Ugrožene i ranjive populacije Brčko distrikta su povećale svoje kapacitete za zapošljavanje i poznavanje prava, kroz obuke sprovedene kroz projekat i podizanje svijesti;
- **Rezultat 2** – Povećanje kapaciteta, vještina i mogućnosti zapošljavanja za nezaposlene građane i otvaranje novih radnih mjesta za ugrožene i ugrožene grupe, kroz projektanu finansijsku i tehničku podršku.

¹ S obzirom, i imajući u vidu heterogenost marginaliziranih i ranjivih skupina, pri čemu svaka od njih ima specifične probleme i potrebe, SEI Projekat posebnu pažnju pridaje sljedećim kategorijama stanovništva i to: žene, mladi, osobe sa poteškoćama u razvoju / osobe sa invaliditetom, pripadnici nacionalnih manjina (posebno Romske populacije) te dugoročno nezaposlene osobe.



Osnovne usluge novoformiranog Centra za socio-ekonomsku inkluziju (nadalje: SEI Centar) su:

- **Psiho-socijalna podrška** - Pružanje podrške kroz individualni i grupni rad sa korisnicima, odnosno ciljnim grupama projekta što olakšava pristup uslugama, kako SEI Centra, tako i drugih institucionalnih oblika podrške ugroženim građanima i građankama Brčko distrikta BiH.
- **Poslovni inkubator** - Poslovni inkubator je dio preduzetničke infrastrukture koji se nalazi u SEI Centru i omogućava poslovanje minimalno 10 fizičkih ili pravnih lica, a koji će biti dodatno podržan kroz rad SEI Centra.
- **Podrška za zapošljavanje i samozapošljavanje** - Pružanje podrške kroz obuke, grantove, savjetovanje i tehničku pomoć olakšava socijalno ugroženim osobama da započnu ili prošire svoje poslovanje, što doprinosi njihovoj ekonomskoj stabilnosti i inkluziji.
- **Obrazovanje i stručno usavršavanje** - SEI Centar će pružati obrazovne programe i stručne obuke koje povećavaju kapacitete i vještine socijalno ugroženih osoba, što im omogućava lakši pristup zapošljavanju ili samozapošljavanju.
- **Informisanje i osvještavanje** - SEI Centar će provoditi kampanje informisanja i osvještavanja o dostupnim uslugama i podršci socijalno ugroženim osobama da bolje iskoriste resurse koji su im na raspolaganju.
- **Inkluzivnost i pristupačnost** - Uklanjanje arhitektonskih barijera i prilagođavanje javnih prostora omogućava osobama s invaliditetom jednak pristup obrazovanju, zdravstvenim uslugama i zapošljavanju.

Shodno navedenom, SEI Projekat / Centar raspisuje Javni poziv za sufinansiranje prekvalifikacija, dokvalifikacija i usavršavanja

Program prekvalifikacija, dokvalifikacija i usavršavanja SEI centra je osmišljen kao odgovor na trenutne potrebe tržišta rada i nedostatak adekvatno kvalifikovanih kadrova među nezaposlenim licima i marginalizovanim grupama. Ovaj program pruža priliku osobama da unaprijede svoje vještine i steknu nova znanja, čime postaju konkurentniji na tržištu rada.

Definicije u smislu ovog Javnog poziva su:

Prekvalifikacija je obrazovanje i osposobljavanje koje odraslom, koji je već prethodno stekao neko stručno zvanje, odnosno zanimanje omogućuje da stekne nove kompetencije za obavljanje novog zanimanja ili nove profesionalne djelatnosti;

Dokvalifikacija je dodatno stručno obrazovanje prema posebno utvrđenim diferenciranim programima radi sticanja višeg stepena kvalifikacije u okviru zanimanja;



Usavršavanje je svaki oblik obrazovanja nakon završenog inicijalnog obrazovanja ili tokom radnog vijeka koje treba pomoći odraslom da: 1) poboljša ili aktualizuje svoja već stečena znanja i kompetencije, 2) stekne nove kompetencije u pogledu profesionalnog napredovanja i da se osobno i profesionalno usavršava.

Koji je cilj ovog Javnog poziva?

Osnovni cilj ovog Javnog poziva je pružanje (finansijske) podrške osobama koje su do momenta isteka Javnog poziva upisale, ili žele upisati, programe prekvalifikacije, dokvalifikacije ili usavršavanja, posebnu pažnju poklanjajući onim osobama koje pripadaju marginalizovanim i ranjivim grupama stanovništva.

Finansijska sredstva

Ovim javnim pozivom je planirano finansiranje/sufinansiranje prekvalifikacija, dokvalifikacija i programa usavršavanja u pojedinačnom iznosu od maksimalno 100,00 € za 100 aplikanata (*u protivvrijednosti u KM na dan prenosa sredstava*).

Ko može aplicirati na ovaj Javni poziv?

Na ovaj Javni poziv mogu aplicirati:

- **Osobe u procesu prekvalifikacije, dokvalifikacije ili usavršavanja** – Aplikanti moraju najkasnije do momenta isteka ovog Javnog poziva započeti proces prekvalifikacije, dokvalifikacije ili usavršavanja.
- **Osobe koje planiraju upisati programe prekvalifikacije, dokvalifikacije ili usavršavanja** – Pod uslovom da upis izvrše najkasnije do 15.11.2024. godine.
- **Osobe sa mjestom prebivališta u Brčko distriktu BiH** – Aplikanti moraju imati prebivalište na teritoriji Brčko distrikta BiH najkasnije do momenta prijave na ovaj Javni poziv.
- **Lica koja nisu prethodno primila finansijsku podršku** – Aplikanti koji nisu primili sredstva od drugih donatora za istu svrhu.

Šta je potrebno za apliciranje na ovaj Javni poziv?

Od neophodne dokumentacije potrebno je dostaviti

(*lica koja su već upisana na određeni program*)

- Popunjen prijavni obrazac;
- Kopiju lične karte;
- Uvjerenje o prebivalištu;
- Potvrdu izdatu od strane ovlaštene institucije ili drugog pravnog lica o upisu programa prekvalifikacije, dokvalifikacije ili usavršavanja
- Dokaz o uplati programa prekvalifikacije, dokvalifikacije ili usavršavanja (izvod iz banke ili kopiju uplatnice);
- Izjavu napisanu u slobodnoj formi da aplikant prethodno nije primio niti će primiti drugu finansijsku podršku u svrhu za koju aplicira.



Od neophodne dokumentacije potrebno je dostaviti

(lica koja će upisati određeni program do 15. novembra 2024. godine)

- Popunjen prijavni obrazac;
- Kopiju lične karte;
- Uvjerenje o prebivalištu;
- Izjava napisana u slobodnoj formi da će aplikant upisati određen program, sa tačnim nazivom i opisom programa;
- Izjavu napisanu u slobodnoj formi da aplikant prethodno nije primio niti će primiti drugu finansijsku podršku u svrhu za koju aplicira.

Ukoliko aplikant dokazuje dodatne uslove, potrebno je dostaviti:

- Potvrdu o nezaposlenosti;
- Dokaz o pripadnosti određenoj marginalizovanoj grupi (ako je primjenjivo).

Ostala pitanja

- Prihvatljivi su svi oblici prekvalifikacija, dokvalifikacija ili usavršavanja koja se izvode u Bosni i Hercegovini, ili inostranstvu. Prednost će se dati onim oblicima koji se izvode u okviru formalnog obrazovanja, kroz programe ovlaštenih obrazovnih ustanova.

Kriterijumi za bodovanje

Odabir aplikanata po ovom Javnom pozivu vršit će se u skladu sa sljedećim kriterijumima i njihovom vrijednošću, koristeći sljedeću tablicu:

Opis kriterijuma	bodovi
Aplikant je nezaposlena osoba - prijavljena na aktivnu evidenciju nezaposlenih lica Zavoda za zapošljavanje Brčko distrikta BiH	30
Aplikant pohađa formalan oblik obrazovanja - koji se provodi od strane ovlaštene obrazovne ustanove	20
Pripadnost marginalizovanoj grupi	
Aplikant je žena	10
Aplikant je mlada osoba do 30 godina starosti	10
Aplikant je osoba sa poteškoćama u razvoju	10
Aplikant je osoba sa invaliditetom	10
Aplikant je pripadnik neke od nacionalnih manjina	10
Maksimalan broj bodova koje aplikant može osvojiti	100

**Komisija će vršiti ocjenu objektivnih kriterijuma, te davati jedinstvenu ocjenu za svakog aplikanta posebno.*



Način odabira i dodjele sredstava

CARE, zajedno sa projektnim partnerom RGFBD, će imenovati Komisiju za odabir aplikacija koju čini 5 članova zaposlenih na projektu SEI centra. CARE će imenovati svog jednog predstavnika koji će vršiti monitoring nad kompletnim procesom rangiranja.

Nakon zatvaranja Javnog poziva, Komisija, u skladu sa gore navedenim i objavljenim kriterijumima, pristupa provjeri dostavljene dokumentacije i rangiranju aplikacija.

Nepotpuni, neblagovremeni i zahtjevi podneseni od neovlaštenog lica, neće biti uzeti u razmatranje.

Komisija za odabir aplikacija će sačiniti rang listu aplikacija koji su aplicirali, prema kriterijumima iz Javnog poziva, rangiranu prema broju ostvarenih bodova.

Ukoliko više aplikacija ima isti broj bodova, prioritet se daje onom licu koje je nezaposlena osoba. Ukoliko su aplikanti sa istim brojem bodova nezaposlene osobe, prednost se daje onom aplikantu koje pohađa formalni oblik obrazovanja. Ukoliko se ni nakon ovog kriterijuma ne može dati prednost određenom aplikantu prednost će se dati aplikantu koji je prije podnio prijavu.

Nakon objavljivanja rang liste, odabrani aplikanti su dužni u roku od sedam dana od dana objavljivanja rang liste dostaviti neophodnu dokumentaciju kojom dokazuju navedene činjenice, nakon čega se sa istima zaključuje ugovor o sufinansiranju prekvalifikacije, dokvalifikacije ili usavršavanja.

Ukoliko odabrani aplikanti sa rang liste ne dostave traženu dokumentaciju, dostave nepotpunu dokumentaciju ili dokumentaciju koja ne odgovara izjavama u Prijavi na ovaj Javni poziv, te ukoliko odabrani aplikant odustane od podnesenog zahtjeva iz bilo kojeg razloga, sredstva će biti dodijeljena sljedeće rangiranom aplikantu, saglasno redoslijedu na rang listi.

Nakon potpisivanja ugovora, ugovoreni iznos sufinansiranje će biti isplaćen jednokratno korisniku sredstava u roku od 30 dana od dana potpisivanja ugovora o sufinansiranju prekvalifikacije, dokvalifikacije ili usavršavanja.

Kontrola utroška sredstava

Kontinuiranu kontrolu i praćenje izvršavanja ugovornih obaveza vrši imenovani predstavnik SEI Centra, odnosno predstavnik RGFBD. Ukoliko se utvrdi da ugovorna strana ne ispunjava ugovorene obaveze, pokreće se postupak raskida ugovora i izdavanja zabrane učešća na sve buduće programe SEI centra.



Podnošenje prijava

Za apliciranje na Javni poziv je potrebno popuniti i dostaviti obrazac za prijavu na Javni poziv za sufinansiranje prekvalifikacija, dokvalifikacija i usavršavanja, te isti (sa kopijama dokumenata kojim se žele dokazati neki od navoda iz Prijave – nije eliminatorno):

- 1) dostaviti lično u prostorije SEI Centra na adresi M.Malića i I. Džindića br.4 u vremenu od 7:30 – 15:30h **od 4. do 15. novembra 2024.**
ili
- 2) poslati poštom na adresu: SEI centar, *M.Malića i I. Džindića br.4, 76100 Brčko*, sa naznakom "Prijava na javni poziv za sufinansiranje prekvalifikacija, dokvalifikacija i usavršavanja - *ne otvarati - otvara Komisija* u periodu od **od 4. do 15. novembra 2024.**
ili
- 3) poslati e-mailom popunjeno i potpisano na: info@seibrcko.ba u periodu **od dana objave. do 15. novembra 2024.**

***Prijave moraju biti dostavljene
najkasnije do 15. novembra 2024. godine do 14:00 h***

Prijave podnesene nakon isteka roka neće biti uzete u razmatranje.

Ukoliko postoje bilo koje nejasnoće u vezi sa ovim javnim pozivom ili načinom apliciranja, Vaše upite možete poslati putem e-mail adrese info@seibrcko.ba najkasnije do 5. novembra 2024. godine. Odgovori na sva pitanja će biti javno obavljani na web stranici <https://seibrcko.ba/> najkasnije tri dana do zatvaranja ovog Javnog poziva.